

Powšitkowne WOZJEWJENJA

njedźelu, 8. měrca 2026

Přiležnosć k swjatej spowědži w Róžeńće

sobotu, 21. měrca	farar M. Anders, kanonik Š. Delan
17.00 – 18.00 hodž.	farar B. Jakubaš, farar T. Mandler
sobotu, 28. měrca	farar M. Anders, kanonik W. Sćapan
17.00 – 18.00 hodž.	kapłan P. Mróz, farar M. Kocner
póndźelu, 30. měrca	farar M. Anders, farar G. Nawka,
18.30 – 19.30 hodž.	farar M. Kleiner
wutoru, 31. měrca	farar M. Anders, farar G. Wornar,
18.30 – 19.30 hodž.	pater J. Müller

Kóždy sobotu do Božeje mše za lud a kraj, kotraž so we 8.00 hodž. započina, je přiležnosć k swjatej spowědži.

Ekumeniski póstny seminar

Na třećim wječorku póndźelu, 9. měrca, přednošuje dr. Benjamin Stahl a Marlen Rüdiger z Großhartauwa a Norman Reitner z Drježdžann k temje „Wosada w rozmachu – wožiwjena wěra/cyrkej“. Wšitcy zajimcy su wutrobnje přeprošeni. Zastup je darmotny.

Serbske kemše w Drježdžanach

Drježdžanscy Serbja – wosebje tež młodži – su na maćernorěčnu Božu mšu tutu nje-
dźelu, 8. měrca, w 16.00 hodž. do cyrkwy swjateho Antonija na Bünauskej 10 přepro-
šeni. Bjesada při kofeju započnje so hižo w 15.00 hodž.

Putnikowanje swójbow

Putnikowanje swójbow do Róžanta budže zaso pjatu póstnu njedźelu, lětsa je to
22. měrca. Boža mša w hnadownej cyrkwi zahaji so w 9.00 hodž.

Taizéske modlenje w Budyšinje

Dwurěčne modlenje po Taizéskim wašnju a z meditatiwnymi pěsnjemi budže wutoru,
10. měrcra, w 20.00 hodž. w Lutherowym domje ewangelsko-lutherskeje wosady swja-
teho Pětra w Budyšinje, Hošic hasa 28. Wšitcy zajimcy su wutrobnje přeprošeni.

Literarna kofejownja

Rjadnik, měšnik a awtor Andreas Knapp z Lipska budže z hosćom dalšeje literarne-
je kofejownje w Budyskim ekumeniskim tachantskim wobchodze srjedu, 11. měrca,
w rumnosćach wobchoda. Wón čita ze swojeje knihi „Atlas der unbegangenen Wege
– Eine Reise zu dir selbst“, kotruž je zhromadnje z rjadnicu a awtorku Melanie Wolfers
spisał. Započatk je w 19.00 hodž. Zajimcy móža sej knihu tón wječor tohorunja kupić
a signować dać. Zastup je darmotny, wo dary proša. Wšitcy su wutrobnje přeprošeni.

Hudźbno-literarny wječor na česć Bena Budarja

Składnostnje 80. posmjertnych narodnin serbskeho spisowacela Bena Budarja wotměje so w Budyskim Serbskim ludowym ansamblu (SLA) hudźbno-literarny wječor pod hesłom „Wokomiki slónca“. Tón budže štwórtk, 19. měrca, w 19.30 hodź. Na nim spominaja z wěncem słowow, hudźby, wobrazow a filmow na jeho bohate literarne tworjenje. Dale wěnuje so program zhromadnemu džělu z hudźbnikom a komponistom Měrcinom Weclichom. Zaklinča tohorunja twórby Jurja Winarja, interpretowane wot smyčkowego kwarteta SLA. Teksty čitataj wnučk Bena Budarja Filip Budar kaž tež dźiwadźelnica Majka Kowarjec. Zastupne lisćiki dóstanu zajimcy při kasy ansambla kaž tež online. Link je pod www.posol.de wozjewjeny.

24hodźinske modlenje we Worklečanskej kapałce

Na cyłodnjowske ćiche modlenje před Najswjećišim su wěriwi do Worklečanskeje kapałki přeprošeni. Wone zahaji so pjatk, 13. měrca, we 18.00 hodź. a zakónči so sobotu, 14. měrca, w 17.45 hodź. z krótkim nyšporom. Hnydom přenju hodžinu modla so tam zhromadnje w němskej řeči. K tomu zaspěwa němska šola. Sobotu wot 14.00 do 14.30 hodź. su wosebj młode swójby z dźěćimi na serbske modlenje prošene. Kapałka budže wšón čas tež tepjena.

Modlerska iniciatiwa „24 hodžin za Knjeza“ wuchadža wot bamža Franciskusa. W katolskich Serbach wotmě so tajke modlenje přeni raz w lěće 2015 a wot toho časa nimale kóžde lěto.

Serbski podcast k prašenjam wěry a žiwjenja


Redakciski team Dekanatneho dušepastyrstwa młodžiny we Worklecach je nowy serbski podcast přihotował, kotryž zaběra so z prašenjemi dokoławokoło wěry a žiwjenja. Přeni přinošk je wot pjatka, 6. měrca, na Spotify a Youtube, wozjewjeny. Link nańdu zajimcy pod www.posol.de.

Wustajeńca pasionskich Božich narodkow

W putniskej hospodze w Hirschfeldze je hišće hač do jutrowneje pónđzele, 6. apryla, wobšěrna wustajeńca pasionskich Božich narodkow přistupna. Z eksponatami nawjazuja na lětsotki staru křesćansku tradiciju, z pomocu figurowych předstajenjow Jězowsy puć čerpjenja sej znazornić. Přehladka wopřijima džewjeć pasionskich Božich narodkow z drjewja, papjery a kumštneho kamjenja. Dalše dewocionalije je wudospołnjeja. Jeannette Gosteli njewěnuje so na wodženjach po wustajeńcy jeničce tamnišim twórbam, ale zapletuje tohorunja duchowne impulsy.

Zajimcy móža sej pasionske Bože narodki jeničce we wobłuku wodženjow wobhladać. Te wotměwaja so stajnje sobotu w 14.00 hodź. Zjawne wodženja budu sobotu, 21. měrca, runje tak Wulki pjatk, 3. apryla, kaž tež jutrownu pónđzelu. Skupiny z wjace hač sydowosobami móža sej tež swójski termin ze Jeannette Gosteli dojednać, telefonisce pod čisłom (01 75) 4 08 59 97 abo z mejlku na info@pilgerhaeusl.de.

Zarjadowanja Worklečanskeho dekanatneho dušepastyrstwa za džěci



Zhromadne dopołdnjo za džěci 6. do 8. lětnika



Pod hesłom „Wujednaj so!“ wotměje so za šulerjow 6. do 8. lětnika sobotu, 21. měrca, wot 9.00 do 12.00 hodź. zhromadne dopołdnjo we Worklečanskim Don Boskowym domje. Tón dzeń změja móžnosć, sakrament wujednanja pola fararja Gabriša Nawki abo kapłana Pětra Mróza, přijimać. Přizjewjenja přijimuju hač do wutory, 17. měrca, online. Link je pod www.posol.de podaty.

Zarjadowanje k swójbnyim ritualam

Dalše zarjadowanje noweho rjadu pod hesłom „Swójbne rituale w běhu lěta“ budže pjatk, 27. měrca, wot 15.30 do 17.00 hodź. we Worklečanskim Don Boskowym domje. Wone steji pod temu „Čakamy na jutry“. Přeprošeni su starši (mać abo nan) hromadze z džěscóm w předšulskej starobje. Wobdžělnicy dóstanu při małym přikusku w krótkej formje impulsy za swójbne, nabožne žiwjenje. Po tym sej hromadze z džěscóm něšto spasla. Swójski přinošk na swójbnu wučinja štyri eura. Přizjewjenja přijimuju hač do srjedy, 25. měrca, online. Link je pod www.posol.de wozjewjeny.

Zhromadny dzeń za 1. a 2. lětnik

Šulerki a šulerjo 1. a 2. lětnika su w jutrownych prózdninach na zhromadny dzeń do Don Boskowneho domu we Worklecach přeprošeni. Wón steji pod hesłom „Chryst je z mrtwych stanył – haleluja“. Wobdžělic móža so džěci pak srjedu, 8. apryla, pak štwórtk, 9. apryla, stajnje wot 9.00 do 15.00 hodź. Swójski přinošk na wobdžělnika wučinja pjeć eurow. Přizjewjenja přijimuju online hač do póndžele, 23. měrca. Link nańdu zajimcy pod www.posol.de.



Prózdnińska jězba za 4. do 8. lětnik



Na jězbu do Zhorjelca su šulerki a šulerjo nětčišeho 4. do 8. lětnika w lětnich prózdninach přeprošeni. Wona wotměje so wot pón-dzele do pjatka, 3. do 7. awgusta. Swójski přinošk na wobdžělnika wučinja 130 eurow. Přizjewjenja přijimuju hač do pjatka, 1. meje, online. Link na wotpowědnu stronu je pod www.posol.de wozjewjeny.

